



Na osnovu člana 56. Zakona o organizaciji uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05), člana 52. Zakona o izvršenju Budžeta Bosansko-podrinjskog kantona Goražde za 2026. godinu („Službene novine Bosansko-podrinjskog kantona Goražde“, broj: 13/25) i člana 4. Pravilnika o finansiranju projekata i aktivnosti udruženja boračkih populacija, a u skladu sa Odlukom Skupštine Bosansko-podrinjskog kantona Goražde o utvrđivanju Kalendara obilježavanja značajnih događaja, datuma i ličnosti iz odbrambeno-oslobodilačkog rata 1992.-1995.godina u Bosansko-podrinjskom kantonu Goražde („Službene novine Bosansko-podrinjskog kantona Goražde“, broj: 4/23), Programom utroška sredstava Ministarstva za boračka pitanja sa ekonomskog koda 614 300 – «Tekući transferi neprofitnim organizacijama» na koji je Vlada Bosansko-podrinjskog kantona Goražde dala saglasnost Odlukom broj: 03-11-75/26 od 15.01.2026.godine i Zaključka Vlade Bosansko-podrinjskog kantona Goražde broj: broj: 03-11-173/26 od 29.01.2026.godine, ministar za boračka pitanja Bosansko-podrinjskog kantona Goražde **raspisuje**:

JAVNI POZIV

za podnošenje zahtjeva i programa/projekata
koji će se uvrstiti u program obilježavanja značajnih događaja, datuma i ličnosti
odnosno finansirati/sufinansirati iz budžeta Ministarstva za boračka pitanja za 2026.godinu

I

Predmet Javnog poziva je podnošenje zahtjeva i programa/projekata koji će se uvrstiti u Program obilježavanja značajnih događaja, datuma i ličnosti u Bosansko-podrinjskom kantonu Goražde, odnosno finansirati/sufinansirati iz budžeta Ministarstva za boračka pitanja za 2026.godinu sa ekonomskog koda 614300 – Tekući transferi neprofitnim organizacijama.

II

Pravo učešća u Javnom pozivu imaju udruženja boračkih populacija i savezi, fondacije, udruženja mladih, vjerske ustanove te kulturna i sportska udruženja i niži nivoi vlasti sa prostora Bosansko-podrinjskog kantona Goražde koji žele da učestvuju u obilježavanju značajnih događaja, datuma i ličnosti iz odbrambeno-oslobodilačkog rata 1992.-1995. godina utvrđenih Odlukom Skupštine Bosansko-podrinjskog kantona Goražde („Sl. novine BPK Goražde“, broj: 4/23) i to:

R/B	Opis događaja	Datum
1.	Dan Armije RBiH – sjećanje na šehide i poginule borce Armije i MUP-a RBiH	15.-16.04.
2.	„Dani otpora“	04.-07.05.
3.	„Grebak – put života“	08.-12.06.
4.	Dan pogibije komandanta Zaima Imamovića	09.10.

Pored datuma utvrđenih Odlukom Skupštine, iz budžeta Kantona se mogu finansirati/sufinansirati pojedini datumi od posebnog značaja za udruženja boračkih populacija i niže nivoe vlasti sa prostora Bosansko-podrinjskog kantona Goražde, na osnovu zahtjeva/projekata i prijedloga Ministarstva za boračka pitanja Bosansko-podrinjskog kantona Goražde.

Aplikanti mogu aplicirati sa prijedlogom projekata/zahtjevima za finansiranje/sufinansiranje više pojedinačnih ciljeva (obilježavanje značajnih datuma, događaja i ličnosti) tokom budžetske godine.

III

Aplikanti uz dokumentaciju iz tačke V ovog Javnog poziva, mogu aplicirati u vidu projekata uz obrazac propisan od strane Ministarstva ili u vidu zahtjeva za dodjelu sredstava u kojem su jasno navedeni sljedeći elementi:

- a) opis problema;
- b) prikaz aktivnosti na rješavanju problema;
- c) vremenski plan realizacije aktivnosti;
- d) detaljno planiran budžet sa očekivanim prihodima i rashodima.

Aplikanti mogu odabrati najpovoljniji način apliciranja, a za svaki projekat/zahtjev podnose posebnu aplikaciju.

U slučaju da Aplikant aplicira u formi zahtjeva, u pojedinačnom slučaju traženi iznos ne može biti veći od 1.000,00 KM, a ako Aplikant aplicira u formi projekta, iznos tražen prijedlogom ne može biti manji od 1.000,00 KM i veći od sredstava planiranih u budžetu Ministarstva za te namjene.

IV

Razmatranje zahtjeva i programa/projekata za finansiranje/sufinansiranje po ovom Javnom pozivu vršit će Komisija koju imenuje Ministar za boračka pitanja Bosansko-podrinjskog kantona Goražde, a konačnu odluku o odobravanju sredstava donosi Vlada Bosansko – podrinjskog kantona Goražde na prijedlog Ministra, odnosno Odbora za obilježavanje značajnih događaja, datuma i ličnosti iz odbrambeno-oslobodilačkog rata 1992.-1995.godina za datume obuhvaćene Odlukom Skupštine Bosansko-podrinjskog kantona Goražde, a sve u skladu sa Pravilnikom o finansiranju projekata i aktivnosti udruženja boračkih populacija.

U slučaju da je za specifičan cilj (obilježavanje značajnog datuma, događaja i ličnosti) dostavljen samo jedan zahtjev, o njegovoj opravdanosti odlučuje Ministar za boračka pitanja.

Ministarstvo ne snosi nikakve troškove Aplikantima koji su nastali u postupku po ovom Javnom pozivu, te zadržava pravo da pojedini zahtjev/projektni prijedlog odbije, prihvati u cijelosti ili sufinansira dio odobrenih aktivnosti.

Nakon okončanja postupka i odobravanja sredstava od strane Vlade Bosansko-podrinjskog kantona Goražde, sa Aplikantima kojima su odobrena sredstva, zaključit će se pojedinačni ugovori kojim će se definisati međusobna prava i obaveze u vezi dodjele sredstava.

V

Uz inicijative, prijedloge projekata i zahtjeve, obavezno se dostavlja sljedeća dokumentacija:

- a) rješenje o registraciji;
- b) uvjerenje iz Registra udruženja izdato u vrijeme podnošenja zahtjeva, izuzev iz Registra udruženja koje vodi Ministarstvo za pravosuđe upravu i radne odnose Bosansko-podrinjskog kantona Goražde, (koje nosilac budžetskih sredstava pribavlja po službenoj dužnosti);
- c) uvjerenje o poreskoj registraciji - identifikacioni broj;
- d) izvod iz važećeg Statuta, ovjeren od strane nadležnog organa, iz kojeg su vidljivi ciljevi i djelatnosti Aplikanta;
- e) izvještaj o urednom finansijskom poslovanju (bilans stanja i bilans uspjeha za prethodnu godinu, ovjeren od strane nadležnog organa);
- f) uvjerenje o izmirenim poreskim obavezama (original ili ovjerena fotokopija ne starija od 6 mjeseci);
- g) uvjerenje o izmirenim poreskim obavezama i doprinosima za zaposlenike (ukoliko ima zaposlenika, original ili ovjerena fotokopija ne starija od 6 mjeseci);
- h) narativni finansijski izvještaj o radu za prethodnu godinu usvojen od strane nadležnog organa Aplikanta;
- i) program rada i finansijski plan za godinu u kojoj se finansiranje traži;
- j) dokaz o aktivnom transakcijskom računu (potvrda banke ili ovjerena fotokopija ugovora) i
- k) drugu relevantnu dokumentaciju za evaluaciju zahtjeva/projekta.

Dokumentaciju iz prethodnog stava, Aplikant dostavlja samo jednom u toku budžetske godine bez obzira na broj objavljenih javnih poziva od strane Ministarstva, osim u slučaju da su nastale promjene u podacima navedenim u prethodno dostavljenoj dokumentaciji.

Aplikanti koji nemaju uposlenih mogu dostaviti odgovarajuću izjavu ovjerenu kod nadležnog organa kojom potvrđuju da nemaju uposlenih i neizmirenih obaveza po osnovu direktnih poreza i/ili doprinosa ili obaveza prema zaposlenicima.

Aplikanti koji nemaju status udruženja/fondacije dostavljaju druge relevantne dokaze o osnivanju i utvrđenim nadležnostima.

Aplikantima kojima su odobrena i doznačena sredstva u prethodnoj budžetskoj godini, a za ista nisu dostavili adekvatan izvještaj o utrošku sredstava sa odgovarajućom dokumentacijom, smatrat će se nepotpunim i kao takvi odbaciti.

Izuzetno od prethodnog stava, projekti/zahtjevi za sredstvima smatrat će se potpunim ukoliko su dobili saglasnost za prenamjenu i produženje roka utroška odobrenih sredstava. U ovom slučaju, aplikant će dostaviti odgovarajuću ovjerenu izjavu.

VI

Zahtjevi i programi/projekti uz Obrazac prijave propisan od strane Ministarstva, podnose se neposredno u zatvorenoj koverti na pisarnicu Kantona tokom radnih dana u periodu od 08⁰⁰ - 16⁰⁰ sati ili putem pošte na adresu 1. Slavne višegradske brigade broj 2a, 73000 Goražde.

Obrazac prijave i obrazac projektne forme može se preuzeti na službenoj internet stranici (www.mb.bpkg.gov.ba) ili u prostorijama Ministarstva.

Javni poziv je otvoren do okončanja kalendarske godine ili do utroška sredstava obezbijedenih za ove namjene.

Prijave koje ne ispunjavaju opće uslove, prijave kod kojih nisu realno planirana sredstva za predložene aktivnosti ili su aktivnosti neprimjerenog sadržaja kao i neuredne i nepotpune prijave neće se uzeti u razmatranje.

Ministarstvo nije dužno vratiti zaprimljenu dokumentaciju te ne snosi nikakvu odgovornost prema Aplikantima, u pogledu aktivnosti koje su poduzeli, radi apliciranja na određeni specifični cilj Javnog poziva.



Broj: 11-11-93/26
Goražde, 30.01.2026.godine

DOSTAVITI:

1. Oglasna ploča Kantona;
2. WEB stranica Vlade i Ministarstva BPK Goražde i
3. Evidencija.